

Saedceij Lajmbanj

乡村时光

Gou geiq ndaej, mwh iq gou miz haujlai seizgan dwg youq lajmbanj youq. Moix baez cuengq sujgyaj, bohmei cungj soengq gou bae lajmbanj ranz daxgoeng daxbuz youq, dahcej ranzcoj ciengz daiq gou seiqleingq bae guhaemz.

Gou ceiq maij lajmbanj mwh ngamq doek fwn hung gvaq le. Mwhde hoengheiq daegbied singjsien, mbawfaex engq heu lo, heuyauyau lumj yaek miz raemx ndik okdaeuj nei, rumz hix mbouj ndat geijlai lo, ndaw hoengheiq gap miz feihfwn caeuq feihnywj, ndei mbup dangqmaz. Daxgoeng yousim fwn hung rwed vaih gomeg, itdingh bae ndaw naz yawjyawj, gou caeuq dahcej mbouj siengj youq ndaw ranz youq, hix nauh riengz daxgoeng bae.

Fwn doek gvaq le gwnz loh iq miz haujlai gumz raemx iq, gou caeuq dahcej it loh caij gumz raemx byaij, angq dangqmaz. Seizneix gou lij geiq ndaej baez daih' it youq ndaw gumz raemx raen moed-raemx haenx. Gou doeksaet ndaej hemq hwnjdaeu, maeuq youq henz gumz raemx cimyawj duzde. Moedraemx maj miz roek gaiq ga saeqset, aen ndang saeqraez, gig lumj duzmoed ga raez. Duzde byaij loh baez yat baez yat, ndeiri lai lo. Gou caeuq dahcej sawq bae gaeb de, hoeng duzde yat ndaej gig vaiq, gaeb haujlai nanz cij gaeb ndaej geij duz. Dou lij guh gij saeh "doegsieb": Aeu moedraemx gaeb ndaej haenx caeuq boengz doxgyaux, yienzhaeh moek roengz ndaw namh bae.

Caj guhaemz gaeuq lo, ngaem gyauej baez yawj, gwnz vaq cungj dwg boengz, gouh haiz engq mbouj yungh gangj lo, uq ndaej mbouj miz da yawj. Gou caeuq dahcej hixnaengz duet haiz bae. Ha, mbatneix cwxcail lai lo! Dou lohndin byaij youq gwnz

loh homq, louz roengz song coij rizdin mbitmbit mbiengmbieng.

Haemq vaiq, doengngoengz okdaeuj lo. Mbouj yaep ndeu, gwnz dieg deng ndit dak ndaej ndatfwdwd lo, lohndin byaij youq gwnz dieg cungj roxnyinh miz di nad din lo. Song boux dou daeujaengz nazmeg, gomeg cungj okriengz lo, riengzmeg deng fwn rwed gvaq le heuyauyau, doengh nazmeg riengz rumz ci fubfed diuqfoux dwk.

Ma daengz ranz, daxbuz raen gij yiengh diuqgah dou, cungj noix mbouj ndaej miq dou, dangyienz, lij miz donq haeuxbyaek homfwdwd ndeu caj dou ne.

Youq ranzcoj lajmbanj gvaq gij saedceij angqfaengz haenx, dwg gij ndaejgeiq gou ciengx-lwenx mbouj lumz haenx.

(Sanhdungh Swngj Dunghyingz Si Sizyen Siujyoz haj nienzgaep Vangz Swnggiz)



Gou Dwg Bouxvunz Gyaep Loqsiengi

我是追梦人

Moix boux vunz mboujdan yaek miz loqsiengi, engq yaek miz cungj hengz-doengh vih saedyienh loqsiengi bae roengzrengz guh. Daj ciuhlaux daengz ngoenzneix, loqsiengi caeuq roengzrengz guh cungj dwg doxbang doxcoi: Vunz danghnaeuz mbouj miz loqsiengi, roengzrengz guh couh lumj duzroeg mbouj miz fweid nei, ciengxlwenx mbin mbouj hwnj gwnzmbwn bae; hoeng mbouj roengzrengz guh, loqsiengi couh lumj mok nei mok-mumu, yaepda couh sanq bae, ciengxlwenx mbouj ndaej saedyienh.

Loqsiengi gou dwg dang boux lauxsae ndeu, sonsaw ganqvunz, vih guekcoj gensez ganq boux mizcaiz maenh'ak ok rengz.

Guh boux hagseng ndeu, ndeindei doegsaw mbouj dwg coenz vah hoengq ndeu, dwg wnggai bienqbaenz saedsaeh hengzdoengh raeuz. Moix ngoenz ciensim dingq moix dangz goq; gwnz goqdangz cikgig hoizdap vwndiz, nyinhcaen guh bitgeiq; nyinhcaen sij cozyez, anqseiz gyau, loek le gibseiz gaij. Cawzliux hagsib, gou itdingh hableix anbaiz seizgan gou, moix ngoenz itcig guh yindung: Diuqcag, buet, dwkgiuz daengj, gaenx lienh ndangdaej. Gou naemj, vih saedyienh loqsiengi wnggai dajyiemz iugouz swheij, mboujdan yaek ndeindei hagsib vwnzva cihisiz, engq miz aen ndangdaej maenghchangq ndeu.

Gou dang boux banhgan ndeu, mboujdan doiq swheij yiemz, daiqdaez guh ndei, seiz mbouj hagsib lij yaek lailai vih ndaw ban guh gungyen. Moix baez miz hozdung gou cungj gaenx bauqmingz camgya, vih ndaw ban cengnaj.

Ndaw gwndaenj, guh boux vunz ndaw ranz ndeu, hix vih ndaw ranz guh saeh. Moix ngoenz, gou cungj bang bohmei guh di saeh gou guh ndaej haenx. Mwh miz hoengq, gou couh baet ranz caeuq sousib ndaw ranz. Ciengzseiz bang daxmeh vut nyapnyaj, geiq doxgaiq caeuq aeu doxgaiq daengj.

Loqsiengi itcig dazyinx gou byaij baenaj, muengh daengzcog gou ndaej dang boux lauxsae habgek seizdaih moq miz dungxcaiz, miz cwzyin. Muengh doenggvaq gou mboujduenh roengzrengz, ndaej hawj gou caeux di saedyienh aen loqsiengi neix, vih guekcoj fazcanj ganq ok gak cungj gak yiengh vunzcaiz, vih guekcoj gensez dem cien gya vax.

(Suhcouh Si Vwnzcwng Siujyoz Yenz Cilungz)

Aeueiq Bouxwn

尊重他人



Aeueiq bouxwnq dwg cungj daudwz ndei gauhsang ndeu. Dwg daejyienh boux vunz ndeu miz mbouj miz siuhyangj. Youq ndaw hagsib gwndaenj bingzseiz, baenzlawz aeueiq bouxwnq ne? Haenx couh dwg mbouj hawj bouxwnq saetnaj.

Miz baez ndeu guhlaeu, gwn daengz doeklaeng, bouxfugsah dawz bat raemxsaw ndeu daeu. Neix dwg gij raemx swiq fwngz, hoeng bouxhek mbouj rox, gwn gaemz ndeu, mwhde bouxcawj hix dawz hwnjdaeu gwn gaemz ndeu. Yienghneix, daihgya youh laebdaeb gangigoj. Danghnaeuz dangseiz bouxcawj vixok bouxhek loek lo, saehcingz doeklaeng couh mbouj ityiengh lo.

Byawz cungj muengh ndaejdaengz bouxwnq aeueiq. Aeueiq dwg song mbiengj bw, yaek ndaejdaengz bouxwnq aeueiq, mwngz yaek aeueiq bouxwnq gonq. Miz doengzhag gauj ndaej ca lo, mwh de cingq najmong dwk ngaem gyauej, danghnaeuz mwngz sing hung gangj ok gij cingzcik de, couh hawj de gig hozndat; mwh doengzhag hoizdap vwndiz, gaenjcieng ndaej gangjavah gazdwdwd, danghnaeuz mwngz sing hung riu okdaeuj, couh hawj doiqfueng gig hojsouh; gwnz yindungcangz, doengzhag yungh rengz baez diuq, deng laemx lo, danghnaeuz mwngz hemq ok sing bemx de, couh hawj doiqfueng engqgya mbouj miz saeqsim lo.

Swheij mbouj siengj guh haenx, gaej ep hawj bouxwnq. Aeueiq bouxwnq, couh dwg aeu gij danaj bouxwnq cuengq youq daih' it.

(Vuj Fungh)